

ATSOBAKAR / URBARTE

PAUSOZ PAUSO, AUZOZ AUZO:

DATA: Martxoak 7

ORDUTEGIA: 19:00 -21:20

PERTSONA KOPURUA: 13 pertsona (9 emakumezko/4 gizonezko)

Alaitz Mendizabal, Herritarren Parte-hartzea batzordeko lehendakaria:

Lasarte-Oriako herritarren parte-hartzea sustatu nahian, herriko auzoetan bilera parte-hartzaileak egitea proposatzen da. Udalak auzoen eguneroko bizitzan oinarritutako komunikaziorako espazio bat bultzatu nahiko luke.

Gaur egun egiten diren eskaerak ia beti banakakoak izaten dira. Arrazoi hori dela eta, garrantzizkoa iruditzen zaigu auzoetan bilera horiek egitea eta premia horiek denak batera jartzea.

Auzo bakoitzak ezaugarri desberdinak dituela kontuan izanda, Udalak bertatik bertara jakin nahi du auzoetako errealitateen berri. Horregatik,, bilerak auzo bakoitzean egingo dira.

Zuek zarete, herritarrok, zeuen auzoa nola dagoen hobekien dakizuenak, eta horregatik etorri gara zuzen eskutik zuzenean jakitera nola ikusten duzuen gaur egun bizi zareten ingurunea.

Bestalde, komunikaziorako bide bati ekiteko modua ere bada, udalaren eta herritarren arteko hurbiltzea oinarritzat hartuta.

Hurbiltze eta komunikazio horretan, bi aldeek hartu behar dute parte, informazioa konpartituz eta beti herriaren eta herritarren onerako izango diren adostasunetara iritsiz.

Pablo Barrio, alkatea:

Udal-gobernua Bilduk, Herritar Plataformak eta EAJk osatzen dute. Udaleko departamentuak, berriz, hauexek dira:

- Hirigintza, ingurumena, merkataritza eta sanitatea: Nerea Sanchez.
- Ogasuna eta kontuetako berezia: Estitxu Alkorta.
- Zerbitzu sozialak, immigrazioa, kooperazioa, enplegua eta emakumea: Gorka Lizarraga.
- Obrak eta zerbitzuak: Ana Prieto.
- Pertsonala eta barne-erregimena: Pablo Barrio.
- Kultura, hezkuntza eta euskara: Boris Nogales.
- Gazteria, festak eta kirolak: Taxio Arrizabalaga.
- Parte-hartzea: Alaitz Mendizabal.

Departamentuek hilero batzordeak egiten dituzte, eta bilera horietan hainbat gai jorratzen dira, udalerriko alderdi politiko guztiekin. Batzordeetako gaiak udalbatzarrera joaten dira. Udalbatzarren deialdiak hilero bigarren asteartean egiten dira. Arratsaldean izaten dira, nahi duen edozein herritarrek haietara joateko modua izan dezan. Udalbatzarrak bukatutakoan, alkateak hitz egiteko aukera ematen die bertan diren herritarrei, jorratu diren gaietara buruz aritzeko.

Hurrengo lerro hauetan aurkezten dena 2012. urtearen zirriborro ekonomiko bat da:

2012ko aurrekontuen aurreikuspena

Gastuak: 23.900.000 €

ATSOBAKAR / URBARTE

Diru-sarrerak: 23.200.000 €

Garrantzizkoa da bi puntu horien gainean hitz egitea, zeren eta kexak, proposamenak... marko politiko eta egoera ekonomiko honen barruan gauzatuko baitira.

Larraitz Sarobe, herritarren parte-hartzeko teknikaria

Prozesua bi fasetan banatuko da:

Lehenbiziko bileran, auzoko **diagnostikoa eta proposamenak** jasoko dira.

Bigarren bilera proposamenen gainean izango litzateke. Hemen, bilerako parte-hartzaileek erabakiko lukete egindako proposamenetatik zein diren lehenetsunekoak.

Bigarren eta hirugarren bileraren artean, denbora-bitarte bat utziko litzateke. Udalak eta auzoetako bizilagunek **hainbat dinamika partizipatibo jarriko lituzkete martxan, proiektuak garatzeko.**

Hirugarren bileran, Udalak eta herriko bizilagunek **garatutako proiektuak aurkeztuko lirateke**. Zein proiektu gauzatuko diren erabakitzeke erabiliko litzatekeen sistema ere aurkeztuko litzateke.

Prozesu horrekin, herritarrek beren auzoetan aurrera eramango liratekeen proiektuak baloratzeko, lehenesteko eta erabakitzeke aukera izango dute.

Lehen bilera honetan, banaka, talde txikietan eta talde handian, diagnostikoa eta proposamenak egingo dira. Horientzat, orri bat banatu da, 5 arlorekin:

- KULTURA
- HIRIGINTZA
- EKONOMIA
- ONGIZATEA
- PARTE HARTZEA

Aipatzekoa da, halaber, banatutako orrien artean orri bat dagoela proposamenetarako eta beste bat ebaluazioa egiteko. Ondo legoke, diagnostikoa eta proposamenak zeuen postan jaso nahi baduzue, orri hau beharrezko datuekin betetzea. Eta bileraren bukaeran ebaluazioa betetzea ere bai.

Banaka, talde txikiak eta bateratze-lana:

Proiektuaren nondik norakoak azaldukoan, herritar bakoitzak minutu pare bat izango ditu, gabezien eta proposamenen orrian beharrezko ikusten duena idazteko.

Bakarrik dauden bitartean, kolorezko goxokiak banatuko zaizkie. Talde txikiak egiteko erabiliko da hori.

Talde txikietan (4-5), bakoitzak jarri duena konpartitzeko aukera izango dute. Horrela, lehenago bururatu ez zitzaizkien ideiak gehitu ahalko dituzte.

Bien bitartean, udaleko kideak taldez talde pasatuko dira, laguntzarik behar badute ere.

Dena batera jartzerakoan, ondo neurtuko da denbora, arlo bakoitzeko gabezia eta proposamen guztiak aportatzeko beta eman dezan.

Arlo bakoitzeko, kartulina bat jarriko da, ateratzen diren ideiak apuntatuz joateko.

Itxiera:

ATSOKAKAR / URBARTE

- Bigarren bileraren data gogoratzea eta proposamenei lehentasuna jartzeko izango dela esatea.
- Bilerara joan ezin izan den jendearentzat, kulturetxean postontzi bat jarriko da, proposamenak han uzteko.
- Bilerara etortzeagatik eskerrak ematea.

ATSOBAKAR / URBARTE

EREMUA: HIRIGINTZA (azpiegiturak, mugikortasuna)

GABEZIA, KEZKAK, INDARGUNEAK	PROPOSAMENAK
<ul style="list-style-type: none"> • Urbileko bidean (atsobakar goitik) dagoen badena oso handia da. 	
<ul style="list-style-type: none"> • Errepidea dagoen bezala mantentzen bada (norabide bakarra) ikastolatik gertu dauden bi loreontzien ondoan dagoen espazioa aprobetxatu. 	
<ul style="list-style-type: none"> • Ikastolako sarrera eta irteera orduetan atasku handiak sortzen dira 	<ul style="list-style-type: none"> • Munizipalak etortzea sarrera eta irteera orduak kontrolatzera. • Zerbait jarri guraso guztien kotxeei sarrera ekiditeko.
<ul style="list-style-type: none"> • Parkearen hondarra aldatu (belar eta harri betera dago) 	
<ul style="list-style-type: none"> • Topoaren bidean eta parkean argi gehiago. (Green plazan bi farola izorratuta daude.) 	
<ul style="list-style-type: none"> • Aparkaleku falta, beste auzo eta lekuetatik bestara etortzen dira aparkatzera (kaniroi txikiak...) 	
<ul style="list-style-type: none"> • Lorategien ondorioz hezetasuna garajeetara pasatzen da. 	
<ul style="list-style-type: none"> • Atsobakar egoitzaren ondoan zebrabide bat. 	
<ul style="list-style-type: none"> • Auzoko zebrabideetan dauden puntu beltzak desagerrarazi 	<ul style="list-style-type: none"> • Zebrabideen aldeetan pibodeak jarri (kotxeek zebrabideetatik hain gertu ez aparkatzeko) • Zebrabide ondoan dauden zuhaixkak gehiagotan moztu bisibilitatea lortzeko.
<ul style="list-style-type: none"> • Urbilera doazen bi errepideak (Euskotren behekoa eta Atsobakar goitik doana bi norabideetako jartzea) 	
<ul style="list-style-type: none"> • Asteasuain kalea lehen zegoen bezala bi norabideetan jartzea. 	
<ul style="list-style-type: none"> • Auzo osoa lehen bezala bi norabideetan jartzea 	
<ul style="list-style-type: none"> • Esukotreneko errotondan dagoen semaforoa (hipodromo etorbidea) denbora asko pasatzen du gorrian. 	<ul style="list-style-type: none"> • Beste herri batzuetan egin den bezala semaforo guztiak kendu.
<ul style="list-style-type: none"> • Parkeak duen hesian beste sarrera ate bat jarri 	

ATSOBAKAR / URBARTE

EREMUA: ONGIZATEA (gizarte-ongizatea, hiri zerbitzuak, ingurumena)

GABEZIA, KEZKAK, INDARGUNEAK	PROPOSAMENAK
<ul style="list-style-type: none"> • Baxuetan garbiketa exkaxa (txakur pixak...) 	
<ul style="list-style-type: none"> • Basura zaborrontziaren kanpoan uzten dute, egoera hau pixka bat kontrolatu. 	
<ul style="list-style-type: none"> • Txakur kakak. 	
<ul style="list-style-type: none"> • Donostiako ibilbidean fruta zuhaitzak aprobetxatu. 	
<ul style="list-style-type: none"> • Luzuriako gaseri soluzio bat jarri. 	
<ul style="list-style-type: none"> • Haurren jolasak baxuetan erregulatu. 	
<ul style="list-style-type: none"> • Garbigune bat jarri. 	
<ul style="list-style-type: none"> • Banku gutxi daude auzoan. 	
<ul style="list-style-type: none"> • Froilan Elaspe parkean ez dago paperontzirik. 	<ul style="list-style-type: none"> • birziklatzeko paperontzi txikiak jarri.

EREMUA: EKONOMIA(garapen ekonomikoa eta komertzioa)

GABEZIA, KEZKAK, INDARGUNEAK	PROPOSAMENAK
Komertzio gabezia, gune erresidentzial bat delako (Urbil oso gertu dago).	

ATSOBAKAR / URBARTE

EREMUA: KULTURA (EUSKARA, HEZKUNTZA, KIROLA)

GABEZIA, KEZKAK, INDARGUNEAK	PROPOSAMENAK
<ul style="list-style-type: none"> • Kiroldegi zikina dago (hongoakin arazoak) 	
<ul style="list-style-type: none"> • Elbarritasunen bat dutenentzat baliabideak jarri (igerilekura sartzeko batez ere.) 	
<ul style="list-style-type: none"> • Igerilekuan bi kale bakarrik egoten dira libre publikoarentzat 	
<ul style="list-style-type: none"> • Kultur etxearen egoera kaxkarra: ezin da liburutegian ikasi (dantza aretoa gainean dagoelako), goterak, paretak, igogailua, txikia geratzen da. 	
<ul style="list-style-type: none"> • Saskibaloiko zelaia txikia geratu da, gehiago jarri. 	
<ul style="list-style-type: none"> • Kiroldegia txikia, zaharkitua geratu da 	
<ul style="list-style-type: none"> • Helduek gimnasia egiteko ekipamentuak 	
<ul style="list-style-type: none"> • Korrika egiteko pista bat jartzea (ahal bada distantziak markatu) 	
<ul style="list-style-type: none"> • Kiroldegia udan 15 egun ez ixtea. 	
<ul style="list-style-type: none"> • Igerilekua eguerdietan irekia geratzea. Masifikatua dago, (orokorrean kiroldegi osoa). 	

EREMUA: PARTAIDETZA(AUZOGINTZA ETA KOMUNIKAZIOA)

GABEZIA, KEZKAK, INDARGUNEAK	PROPOSAMENAK
<ul style="list-style-type: none"> • Ez dago auzo elkarerik eta hori nabari da. 	
<ul style="list-style-type: none"> • Parte-hartze reglamentu bat udaletxean 	
<ul style="list-style-type: none"> • Postontzi permanente bat jarri proposamen, kezka... utzi ahal izateko. 	